



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბერყენა



ტირიფფოთოლა ბერყენა

ბერყენა, Pyrus-ის გვარის ველური მსხლების ერთი ჯგუფი.

ეკლიანი ბუჩქები ან ხეებია, აქვთ შეკრული ან მეჩხერი ვარჯი, შიშველი ან ვერცხლისფრად შებუსული ტყავისებრი ფოთლები, მოკლე ან გრძელყუნწიანი ნაყოფი.

საქართველოში გვხვდება ბ-ს 9 სახეობა, მათგან 4 საქართველოშია (დიმიტრის ბ. – P. demetrii, კეცხოველის ბ. – P. ketzkhoveli, ფედოროვის ბ. – P. fedorovii, სახოკიას ბ. – P. sachokiana). ბ. იზრდება მხოლოდ აღმ. და სამხრ. საქართველოში.

ველებზე, ნახევრად უდაბნოებში, ნათელ ტყეებსა და ტყის პირებზე, ხრიოკ და ქვალორლიან ადგილებში, ზ. დ. 900 მ-მდე. ნაყოფში დიდძალი გაქვავებული უჯრედებია, ამიტომ საჭმელად ნაკლებად გამოიყენება, ყინვაგამძლეა, ადვილად იტანს ხანგრძლივ გვალვასა და ძლიერ ქარს. კარგი საძირეა მსხლის კულტ. ჯიშების გამოსაყვანად. იყენებენ ტყე-პარკების გასაშენებლად გვალვიან და ურწყავ ადგილებში.

**შ. ქუთათელაძე**

---